

欽定剿平三省邪匪方略

欽定剿平三省郡匪方略正編卷一百九十六

庚申年

八月初六日

丙午

台布奏言竊照高二馬五戴家

營前股賊匪闌川陝境因後無追兵總兵扎勒

杭阿力戰陣亡該匪等竄往西鄉經提督王文

雄於逼剿川匪出境後趕回截擊該匪等遂向

石泉附近之五郎壩中壩逃逸而後股賊匪旋

卽踵至王文雄得信卽又趕回扼要於娘娘山

紫營二十日探知賊到牟家壩卽在江干相機
躡剿賊匪不敢跣渡於二十一二三等日沿山
由彭壩向東奔竄該提督亦連日追逼二十四
日賊匪竄至西鄉縣之法寶山楊家河倚山屯
紮王文雄差探明確於二更時督率兵勇乘夜
趕至西鄉分作三路都司哈國瓊率領鄉勇馬
隊數十名由西首喬家店一路進擊副將鮑貴

都司景坤高懋帶領弁兵數百名由東首索羅
觀一路進擊王文雄自帶都司鄧飛龍守備孫
佑並兵勇數百名由中路法寶山進剿同時齊
撲賊營該匪等一見官兵卽搶上法寶山梁王
文雄卽催督加緊追躡該匪已佔山梁分頭潑
石抗拒王文雄身先士卒奮力仰攻不意賊匪
馬隊暗從溝中繞出抄截官兵後路東首山頭

賊匪窺見亦潛由索羅觀繞下衝撲鮑貴等一
路王文雄正在中西兩路策應瞥見鮑貴處賊
隊較衆捷馳援應該匪等趁勢下撲三路兵勇
併力鏖戰自寅至午未嘗少却乃竟衆寡不敵
被賊圍困王文雄左右衝殺猝至陣亡副將鮑
貴都司景坤高懋守備孫佑千總彭繼賢蔣奉
書等亦均遇害此外受傷陣亡官兵鄉勇甚多

署西鄉縣知縣宋昌琿聞報先派幹役找尋各該員尸軀王文雄心腹受矛傷十餘處並被斷割左臂鮑貴等亦均有重傷俱經棺殮臣等接閱稟報不禁髮指其潰散兵丁臣已派叅將海

洪阿前往招收惟賊匪已竄堰口不可不急加剿辦而無兵可撓現在冉張二逆又折竄回陝經畧業派穆克登布追趕前來據畧陽縣稟報

賊匪距該縣城七十里

臣

又難以分身因思粵

兵不日可到綸布春與九十同係經畧派赴沔

縣駐防九十帶有官兵綸布春原帶本止索倫

馬隊二十餘員名莫若卽將新到粵兵連王丈

雄遣兵二併交與綸布春帶領督同馬玉魁專

辦西鄉賊匪所有此次傷亡官兵勇容俟查

明咨部辦理奏入

上諭內閣曰固原提督王文雄於逼剿川匪出境後
趕回截擊高二馬五等股賊匪在西鄉地方進攻
山梁因衆寡不敵猝致陣亡該提督自到軍營以
來打仗殺賊甚爲出力今追截高二等股賊匪復
身先士卒直前奮擊因前調粵兵未到而原帶之
兵日久不無疲乏以致衆寡不敵殺賊陣亡深爲
可惜且伊尙有老母年已八旬尤堪憫惻王文雄

著加恩賞給三等子爵卽令伊子承襲並傳諭琅玕用藩庫銀一千兩賞王文雄之老母爲伊子治喪所有應得卹典著該部察例具奏

上命軍機大臣傳諭台布曰台布奏王文雄殺賊陣亡覽之實深悼惜已降旨加恩矣其同時遇害之副將鮑貴等著台布查明此外有無傷亡人員一併咨部賜恤並派妥員將王文雄靈柩沿途照料

送往貴州原籍以示軫卹所有王文雄原帶兵丁
台布已派令海洪阿前往招收擬俟粵兵到彼一
併交與綸布春九十馬玉魁帶領剿辦西鄉賊匪
亦祇可如此辦理所有前調粵兵何以至今未到
並著台布行催迅速到營至高戴等逆前旣戕害
扎勒杭阿今王文雄又被圍困力戰陣亡實爲可
恨卽被剿窮蹙懇請投降亦斷不可准所有此股

賊匪卽著交綸布春併力剿辦務須速行擒獲盡
法處治以伸國法而慰忠魂現已降旨令長齡帶
領吉林黑龍江兵一千餘名速赴西鄉會剿長齡
一到卽須打仗應需鍋帳等項著台布先行預備
齊集毋致遲悞此時賊匪在西鄉竄擾亟須搜捕
台布務卽轉飭綸布春等於長齡未到之前趕緊
截擊速擒首逆不可因長齡卽帶兵前來稍爲停

待若能於長齡未到以前先將賊首殲擒掃淨餘黨卽屬伊等之功必不得已亦總當逼向西南斷不可令竄往東北又入南山老林此爲最要其固原提督員缺已著賽冲阿補授三姓副都統員缺令慶溥補授仍暫留陝省平利白河一帶辦理防堵事宜著台布飭知慶溥遵照可也

上又命軍機大臣傳諭德楞泰曰台布奏提督王文

雄在西鄉地方追剿賊匪因兵力疲乏衆寡不敵
王文雄被圍力戰陣亡現已降旨加恩其固原提
督員缺已補授賽冲阿矣賽冲阿現在德楞泰軍
營隨同剿賊此時川省各股賊匪勢已窮蹙軍威
大振德楞泰等辦理已爲得手且帶兵大員尙多
自不少賽冲阿一人著德楞泰卽令賽冲阿速赴
西鄉並酌分兵丁千餘名交令帶往會同綸布春

等專辦高二馬五戴家營各股賊匪更可期得力也

上又命軍機大臣傳諭長齡曰台布奏高二馬五戴家營等股賊匪在西鄉竄擾王文雄帶兵截擊因衆寡不敵殺賊陣亡等語前曾降旨令長齡在豫畧爲停待俟後起官兵到齊卽赴額勒登保軍營今高戴等逆戕害大員實爲可恨現已令綸布春

九十馬王魁等帶兵擊剿但恐兵力尙單長齡接奉此旨後不必等待後起官兵如三四起已到卽可先行帶領速赴西鄉協同綸布春等由東北向西南併力剿辦其後起兵丁並著長齡行文帶兵之該侍衛章京等過程前進速抵西鄉以便協力痛殲迅擒賊首所有剿賊情形長齡應隨時一面自行陳奏一面咨報經畧庶不致有稽時日也

上又命軍機大臣傳諭琅玕曰台布奏固原提督王文雄於逼剿川匪出境後截擊高二馬五等股賊匪因衆寡不敵致在西鄉地方陣亡等語覽奏深爲軫惜已明降諭旨加恩賞給三等子爵照例議卹並令台布將王文雄靈柩照料妥送回籍因思王文雄尙有老母年逾八旬在原籍居住茲猝聞伊子陣亡之信老懷倍益難堪念之尤深憫惻著

傳諭琅玕如伊母在省城居住琅玕卽親自前往
面傳恩旨優加存問用藩庫銀一千兩賞給伊母
爲伊子治喪若王玉屏縣原籍卽著派同知一員
資銀前往並將卹賞恩旨傳知伊母再王文雄現
有應襲世職著琅玕查明王文雄現有幾子先行
具奏其應行承襲之子俟服闋後再行給咨送部
引見並著琅玕隨時賙恤伊母以示恩注

同日台布又奏言竊

臣

前奏於五郎添設重鎮

原因該處爲南山適中之地營汛空虛自用兵
以來各路鄉勇實繁有徒非編充營兵不足以
資收攝是以奏明先令都司銜黃瑞守備銜陳
大用前赴五郎駐紮專司招募操演現據該都
司稟報業經招有六百餘名並據署寧陝同知
張約具稟亦已照例建蓋兵房現在川楚各匪

時近陝境五郎地方界連洵陽石泉等邑

臣已

將湖北運到糧石就近酌量分貯兼有用剩軍
火軍裝尙留五郎城內都可黃瑞等既經招有
新兵應請以五百名作爲城守營兵並懇

王恩卽以黃瑞補授寧陝城守營都司以專責成而
資捍衛此外一百餘名留爲該鎮中左右三營
之用大功不日告竣儘可不必再行招募再守

備銜陳大用經

臣

奏令前赴五郎招募新兵逐

日操演甚爲認真出力無如該守備前在松江
時積受潮濕左腿步履本不便捷自進南山霧
潦鬱蒸右腿亦漸不仁肉消筋縮竟成殘廢據
都司銜黃瑞署同知張約查驗屬實可否卽令
陳大用原品休致之處出自

聖慈再查本年四月間賊匪由山陽竄入商州境內

該州陳祁帶同本州及孝義藍田各卡義勇馳
抵北灣抵禦打仗兩日殺賊一百三十餘名經
督臣長麟查明傷亡人數先行酌賞銀兩奏請
咨部議卹其出力之義首人等未經奏請

加恩今由該州知州稟請獎勵前來臣覆加查核出

力義首十一名除楊萬全等十名酌量賞給把
總外委頂戴外查有千總職銜文童李台一名

尤爲超衆奮勇相應請

旨改賞文職州同虛銜以示鼓勵均奏入

上諭內閣曰陝省五郎地方爲南山適中地方前經
添設寧陝鎮總兵並經台布先令都司銜黃瑞等
前往招募新兵現已募有六百餘名著以五百名
作爲城守營兵卽以黃瑞補授寧陝城守營都司
以專責成其餘一百餘名留爲該鎮中左右三營

之用又據查明商州出力義首十一名除楊萬全等十名酌賞把總外委頂戴外所有千總職銜文童李台一名尤爲超衆奮勇李台著改賞州同職銜以示鼓勵又守備銜陳大用現患腿疾已成殘廢著准其原品休致

初七日

丁巳額勒登保長麟奏言

臣

額勒登保前

於橫川殲淨陳傑一股賊匪後因伍金柱等股

賊匪向成縣一帶狂奔臣亦卽帶兵趕追在成

縣大川壩適臣長麟由禮縣追賊前來會合查

阿哈保穆克登布在大山壩大灣團莊一帶率

同將領追殺張世龍冉尊勝等股賊匪八十餘

里殲賊三百餘名拏獲男婦一百九十二名口

是日阿哈保等追至一百四五十里餘匪分股

向東南之白馬關奔竄次日仍擬跟追又探得

伍金柱大股賊匪由西竄到相距已近恐向前行走致爲牽綴只可就近向西先剿伍金柱等股賊匪

臣

額勒登保查楊遇春等帶兵已過成

縣遂飛飭趕赴白馬關一帶趕剿冉學勝張世龍股匪並令阿哈保穆克登布等竟不必再顧白馬關一路惟專剿伍金柱股匪並恐該匪已至階州地方或被剿分竄現在雖距川省龍安

尙遠而階文可通龍安之路尤應加意防範又
飭定住廣厚卽帶兵於階州之柳壩扼要預行
攔截臣等隨帶同扎克塔爾慶成觀祥從大川
壩太石山等處帶兵前行杜賊折竄東北並爲
阿哈保穆克登布等策應茲疊據阿哈保穆克
登布報稱二十三日午後師抵佛入巖探報相
離十里之竹峽子地方伍金柱股內之賊在彼

攻撲民硯阿哈保等當卽帶兵前擊賊匪見兵
輒卽折奔我兵於栢楊林一帶趕殺十餘里斃
賊二百餘名生擒男婦八十九名口賊又翻孟
家山梁而遁連夜竟奔階州之柳壩適定住廣
厚等已經帶兵前去該匪聞風又復折回阿哈
保穆克登布於二十四日晚間得有伍金柱東
折之信是夜在佛堂寺將官兵分爲三路穆克

登布同楊奎猷富蘭張鳳傳廷剛并愛星阿碩
登保雅林保欽巴圖帶領馬步官兵共爲一路
由右手化嶺進發兼截賊竄文縣之路桑吉斯
塔爾同吹札布定色醇明喜杜爾圖楊芳桑漢
海常張明德分帶馬步官兵由中路高嘴進發
阿哈保同墨爾歡保達斯呼爾岱唐朝臣百祥
高萬春托永安朱集才帶兵於左手抄出兼截

賊向階州來路唯於二十五日五鼓啟行天甫
黎明穆克登布一路官兵已迎遇賊匪奮勇趕
殺立斃二百餘名賊匪分股逃竄有向東南狂
奔者又有向東北分逃者東北路通佛入崖可
往西和禮縣地界穆克登布因定住廣厚之兵
現在階州之柳壩阿哈保一路之兵移師至佛
入崖較近當卽差人飛卽知會阿哈保由佛入

崖迎擊而來穆克登布又卽驅兵抄擊愛星阿
並卽帶兵搶上大巖山梁往下壓賊又斃賊二
百餘名桑吉斯塔爾一路官兵於六峽子溝沿
途殺賊已有一百餘人一面仍行兜截猝見東
北奔去之賊又復折回各該匪因四面俱有官
兵尙號召賊衆佔聚三座大山并分出持矛賊
匪分撲官兵勢甚兇悍阿哈保一路之兵亦已

趕到我兵合力環攻該匪等亦拚命抗拒此次
騎馬之賊本屬無多經愛星阿射中指揮騎馬
賊一名各官兵左衝右擊殺死執旗之賊甚多
賊屍枕藉約一千餘人統計一日殺賊一千六
七百名時已昏黑不能再進查各路官兵生擒
男婦大小共有一千四百餘名當將拏獲各犯
分委官員研訊究出探馬頭侯長富王品高喬

添得大旗手頭目楊炳劉閏劉元張玉得又小
頭目陳三珍宋盛貴陳元謨陳殿榮等十一名
又認出殺死執旗各賊首級係李彩朝吳瑞李
兆春雷文學張世祿唐爾良鄒翰武等七名共
十八名據供此股賊匪實係伍金柱帶領其射
死之騎馬賊首級認係曾柳之弟曾印自曾柳
死後曾印繼爲元帥還有伊姪名曾芝榮亦稱

元帥是伍金柱用人并稱顏勝可辛聰等股賊
匪有二三千人曾與伍金柱在一處合夥於二
十四日先向東面太平河一路逃竄等語餘無
要供當將各犯凌遲處死所有前後獲犯一千
四百餘名審明從賊已久曾經打仗者六百八
十四名均卽正法其餘被裹之男婦大小訊明
卽給路票並賞給盤費釋放次日跡探賊蹤陸

續搜獲又有五十餘人訊得伍金柱帶領殘敗
餘匪不過二千餘名連夜向太平河竄去自必
與顏勝可辛聰合夥此一帶路通陽平關老山
居多阿哈保穆克登布現卽帶兵追剿總期卽
時掃淨臣等查甘省之賊先經逼向西南鞏秦
一帶久無賊匪而現在剿潰餘孽均在階州附
近伍金柱一股賊匪人數本多於賊衆中尤爲

狡猾今經我軍連次剿殺祇剩二千餘衆雖未
卽得此犯而其勢殘敗已極其餘如張世龍冉
學勝等亦係潰敗之餘

臣

等惟有乘此勝勢鼓

勵各官兵趕緊次第剿洗此次打仗惟遊擊周

國平右腿受石傷一處外委楊清江面受矛傷

二處兵丁鄉勇間有傷亡容另查明咨部辦理

額勒登保又奏言

臣

接准恒瑞咨稱有前鋒侍

衛哲爾金保前因手足帶傷留於興安調養迄

今未愈

臣

查該侍衛哲爾金保向旣打仗出力

茲以受傷損筋未卽痊愈留於軍營無益應請

旨卽令回旗安心調養倘尙能當差再由該旗帶領

引

見若竟殘廢亦卽由該旗照例辦理又據西安司道

詳稱有

盛京領兵官協領卓齡阿前因在山內堵禦賊匪
染受潮濕得有腿疾今年四月間在黃梁鎮地
方腿腫加劇動履維艱來省調養該員年已六
十數月以來調治未愈看來難以乘騎帶兵

臣

查協領卓齡阿旣已年老有疾卽回歸本處亦
難當差但念該協領究由出師染患病症應懇
恩予以原品休致所遺員缺卽行知額勒亨額另揀

出力之員以次陞補再查

盛京尙有患病應行遣回之兵

臣

並飭阜齡阿沿

途照管一併帶回原處奏入

上命軍機大臣傳諭額勒登保長麟曰伍金柱一股賊匪在葦肅境內奔竄無定經額勒登保分飭三路官兵到處截剿共斬獲賊匪三千餘人殲戮偽元帥曾印並斬獲大小頭目十八各所辦尙好穆

克登布桑吉斯塔爾阿哈保或驅兵抄擊或合力
環攻俱屬奮勇著交部議敘愛星阿帶兵搶上山
梁殲賊二百餘名又射死騎馬賊首曾印尤爲出
力本應卽加恩獎但愛星阿是否卽係前任護軍
統領之愛星阿現居何職抑另係一人現任何官
摺內未經聲敘明白著查明具奏候朕再降恩旨
現在甘肅竄匪張世龍冉學勝俱已潰敗昨據台

布奏冉張二逆又折竄回陝自卽係冉學勝張世
龍二犯若已竄回陝境是甘肅地方祇有伍金柱
一股又經官兵連次剿殺祇剩二千餘人勢已窮
蹙而陝境高二馬五戴家營賊衆合夥向西鄉地
方奔突前此衝破木瓜橋卡隘總兵扎勒杭阿被
害昨提督王文雄又力戰陣亡賊勢益屬鴟張况
冉張二逆又經折回以目前賊情而論陝省最爲

著重昨已諭令長齡帶領黑龍江吉林勁兵迅速
前往並令額勒登保酌派得力大員帶兵千餘名
前赴西鄉協同綸布春等剿辦若額勒登保於數
日內已將伍金柱一股殲滅無遺自必統領大兵
回陝督剿固屬甚善卽尙有餘匪未經剿淨長麟
係陝甘總督在彼專司剿捕或酌派阿哈保桑吉
斯塔爾等帶兵協剿亦無不可至伍金柱分股餘

匪或由階州奔竄該處路通龍安卽係陰平小道
尤應加意防範額勒登保已飭定住廣厚在彼攔
截所辦甚是額勒登保身任經畧全在運籌決勝
朕原不責以身臨前敵親冒矢石卽此次打仗得
勝亦係額勒登保分飭將領調度得宜所致並非
親身決戰况額勒登保聲威素著所到之處賊卽
望風躲避此時額勒登保應察看賊匪往來蹤跡

在秦隴各屬適中之地或漢中西鄉等處擇要帶
領重兵駐紮東扼老林西顧甘肅而南面又可攔
截川匪實爲居中制勝之策務當熟籌全局妥爲
布置也從前帶兵大員因循觀望並未認真打仗
故陣亡者甚少經朕屢次訓飭茲又責令伊等於
秋冬之間一律蒞事帶兵諸臣力改從前積習俱
思依限奏功打仗時皆能奮不顧身是以常有臨

陣捐軀之事但如惠倫安祿王文雄等或係公爵
或係一品大臣俱因剿此么磨小醜相繼陣亡實
屬萬分不值朕心深爲憫惻且賊匪一日不平地
方百姓一日不能安堵額勒登保務當趁賊匪敗
竄之時奮力截擊一鼓殲除勿留餘孽竝膺懋賞
又據奏侍衛哲爾金保前因打仗受傷尙未痊愈
協領卓齡阿因在山內堵禦賊匪染受潮濕得有

腿疾難以當差等語哲爾金保准其回旗調理卓
齡阿著以原品休致所有患病應行遣回之兵並
著卓齡阿一併帶回再額勒亨額自到軍營後總
未見有遇賊打仗之事伊現在何路防堵何股賊
匪如並非緊要處所斷無令其在彼閒駐之理額
勒登保可卽將伊調至經畧大營聽候調遣

初九日

巳未

明亮奏言查徐添德大多賊衆經上

剿敗後晝夜向小橋一帶狂奔該匪詭計多端
復分一股翻山抄截我兵後路二十五日行抵
安家集適值大雨淋漓忽有騎馬賊匪數百人
突從山溝林內衝出當卽飛飭各營將備趕緊
紮營布卡據險以待臣卽帶領侍衛富翰塔津
保江鼎暨滿漢員弁等冒雨下壓馳射擊殺斃
賊三十餘人餘匪退入山後林內時已向晚未

便窮追當據哨探報稱大夥賊衆均向劉猴集
竄走又分出馬賊七八百人步賊千餘人折回
武安堰查後路軍火糧餉均關緊要未便顧此
遺彼二十六日臣帶兵復趕回武安堰沿途搜

殺賊探十餘人擒獲伏賊黃宗義等五十餘人
訊據僉供徐添德自剿敗後人馬損傷甚多難
以接仗與張元帥公徐三掌櫃等商量遣我等裝

做難民混入武安堰寨內想要破開寨子搶奪

軍器火藥並爲熊總兵收屍報讐不料被官兵

拏住餘無要供當將該犯等梟行梟示

臣

卽飛

傳各寨首領百姓凡遇逃難人民必須盤詰真

僞毋使賊匪乘間混入一面照會孫清元德昌

等趕緊由周家嘴探蹤擊剿及

臣

馳抵武安堰

探得分出賊匪聞大兵回剿緊急漏夜向東南

逃竄有歸併大股之勢據武安堰首領胡道峻
雷海等稟稱昨夜賊裝做難民來求入寨看其
光景可疑將先到一賊打死餘匪始行散去等

語

臣

面加獎賞令其嗣後更加小心不可疎懈

二十七八等日

臣

仍卽由何家嘴仙居兼程抄

道進發一路盤獲王順等亦係裝扮難民來探
官以接息訊據供稱徐添德現由溪河石馬槽

一帶逃竄實怕馬兵利害想要回川躲避等供
查徐逆本川中積賊蓄意回川且察其所竄之
路與該匪所供相同是以臣星夜由利溪一帶
迎頭擊剿並可攔截入川要路二十九日行抵
大道場接據孫清元德昌等報稱二十六日由
雷家河進兵忽見馬步賊匪四百餘人直來衝
撲官兵隊伍德昌帶廣西官兵由右路前進孫

清元叅將吉林泰帶裏宜山東湖南官兵及竹
山練勇由左路進發兩路官兵奮勇直前乘勝
追過新集至孔家灣地方計程四十餘里共斃
馬步賊匪一百餘人外委羅忠全張元勝生擒
賊匪周招劉大才二名餘匪四散奔逃兵勇間
有傷亡俟查明另報

臣

查此股賊匪卽係徐逆

分出抄截後路之賊又經孫清元德昌等剿敗

之後卽由雷家河歸入徐家大隊向遠安當陽

狂奔

臣

復飛卽照會孫清元德昌帶兵跟蹤追

剿

臣

卽由巡檢司楊坪向遠安迎頭兜截以期

夾擊集事

明亮又奏言伏查楚省山勢散漫平坦地方居多惟二竹西南及房縣保康南漳界南盡係大山至鄰近洵陽穀城光化襄郡宜城荊門州荊

州皆係平路山內山外處處有路可通節節均

能繞行

臣

所領滿漢官兵三千餘名孫清元德

昌一路官兵鄉勇三千餘名足敷打仗之用然

二路迎剿進擊設有旁竄又皆落後若再分兵

堵剿恐力單無益必得及早派令各州縣團集

義勇各處截堵以便與官兵夾擊於剿辦方有

裨益

臣

經過各寨落首領紳士來見均稱近日

賊匪自經馬兵剿敗之後更加狡猾四路馬探
極多官兵未到之前大肆擄掠聞官兵臨近旋
卽覓路奔逃各寨落不過自保身家且無紀律
不能幫助官兵若令各州縣團集義勇率領堵
禦呼應較靈賊匪不能任意亂竄則大兵追剿
自可得手

臣

已將屢次接奉剿堵兼施

諭旨飛咨姜晟倭什布囑其嚴飭各州縣趕緊仿照

鄖西竹山二縣章程實力認真妥爲備辦以收
速滅竄賊之效奏入

上命軍機大臣傳諭明亮曰徐添德大股賊衆前此
經官兵剿敗之後復分出一股抄截我兵後路實
爲可恨明亮預爲准備將賊匪擊退又經孫清元
德昌等截剿分出賊匪仍歸入徐添德大隊向遠
安當陽奔竄未能痛加殲戮其搜獲生擒殺斃者

共計不及二百人未爲愜意但賊匪屢經官兵截
擊自揣不能仍前抗拒別生詭計指稱難民希圖
混入民寨乘間擄掠此事之所必有現經武安堰
首領識破將先到之賊打死餘匪散去尤爲明証
明亮務當嚴飭各卡隘寨首凡有來投難民形迹
可疑者細加盤詰勿任賊匪一名混入更不可令
混入軍營致爲賊用至官兵臨陣務將賊匪馬匹

先行擊斃其餘步賊不難迅速殄除至所稱令各
州縣團集義勇堵禦一節楚省百姓不能如川省
齊心一時難集此係地方官之事朕已節次降旨
令姜晟倭什布妥爲籌辦現在明亮又飛咨該督
撫嚴飭各州縣趕緊仿照鄭西竹山二縣章程備
辦姜晟倭什布身任封圻地方堵禦事宜是其專
責伊二人自當認真辦理明亮總以勉力剿賊爲

先務再昨據德楞泰等奏川匪徐萬富一股竄至
巫山界內經總兵德英額帶兵堵截身受矛傷該
匪等衝破水口等營卡與湖北房縣地界相近德
楞泰等派令李紹祖帶領兵勇三千名追剿並飛
咨明亮倭什布派兵迎截何以本日明亮摺內未
經提及豈尚未接到德楞泰咨會耶著明亮查明
此股自川竄來賊匪現在何處李紹祖會否帶兵

截回目下正在剿辦徐逆喫緊之際若再令徐萬
富一股闖入豈不又形棘手明亮務當分飭房縣
一帶守卡員弁率領兵勇嚴密堵守不可稍有疎
懈

同日長齡奏言竊

臣

接奉

諭旨遵卽將頭起吉林官兵二百五十名令護軍參
領特克昇額協領五誠額帶領前進其頭起黑

龍江官兵亦於初四日到來當令三等侍衛花
尙保總管托爾托保一同帶赴楚省均於襄陽
會齊前往明亮軍營臣甫過衛輝止百餘里當
卽轉回該處遵

旨等候一俟後起兵丁一千五十名全行到齊憩息
三兩日卽帶領前赴額勒登保大營聽候調遣
一面飛札河南藩臬兩司轉飭沿途驛站員弁

預備官兵赴陝車馬以便隨到隨行不致遲逾
再此次吉林黑龍江官兵乘騎馬匹前經奉

旨令直隸河南湖北三省預備現在分撥吉林黑龍

江頭起官兵四百五十名前赴湖北除該省預

備馬五百匹就近給付外所有直隸預備馬匹

百匹頭二三起抵鄭州

臣

卽令其由該州徑送

陝西其後起馬匹隨到隨送均於陝西齊集至

河南原備馬七百匹聞係在南陽會齊查該府
距陝西省城約計二千餘里兵行迅速恐到陝
等候未免轉稽時日臣現已札知署陝西按察
使素納於接到知會後迅卽備馬七百匹兵到
卽可騎用其河南所備馬匹並經知會吳熊光
隨後送陝以補額數奏入

上命軍機大臣傳諭長齡曰覽奏所辦俱是惟所稱

俟後起兵丁一千五十名全行到齊憩息兩三日
卽帶領前赴經畧軍營等語此時情形又不同矣
昨據台布奏高二馬五戴家營等股賊匪合夥在
西鄉竄擾王文雄打仗陣亡此時通盤籌計陝省
情形尤爲緊要業經諭令長齡不必等待後起官
兵如第三四起已到卽可先行帶領前赴陝西協
同綸布春等由東北向西南併力截剿其後起兵

令長齡行知帶兵之侍衛章京等過程續進長齡務當遵照昨旨迅往陝省奮力截剿速將高二馬五等股賊匪一鼓殲除至楚北徐添德一股竄匪明亮連次奏報得有勝仗賊勢窮蹙現在長齡已遵旨令吉林黑龍江官兵四百五十名前往協助足敷剿辦不日定可蕲功也

欽定剿平三省邪匪方略正編卷一百九十七

庚申年

八月初十日

庚申

姜晟倭什布奏言查青號賊匪

折竄南漳明亮率兵迎截得勝賊匪南竄官兵
乘勝追擊匪衆旋自安家集折回武安堰欲圖
突出官兵後路以爲牽制經明亮帶兵抄回武
安堰扼剿該匪復向荆門一帶奔竄其時又有
馬步賊數百旁竄宜城屬之雷家河適總兵孫

清元德昌叅將吉林泰等自宜城進發中途聞
信馳往截擊斃賊多名生擒二名餘匪潰敗孫
清元等恐該匪竄入麗陽驛大路帶兵從麗陽
驛樂鄉關攔截該匪聞風俱由劉猴集奔入山
徑現據當陽縣稟報該匪狂奔竄及當陽屬之
鴻橋清溪河一帶明亮所帶官兵自北而南由
劉猴集一路前進德昌等自東向西由烟墩集

一路前進已將賊匪逼歸山內不致竄出大道
擾及荆門驛路官兵跟蹤夾擊

臣

等近據房竹

一路探報川東賊匪在大寧巫山境內股數不
一飄忽無常房竹等處俱與毗連而房縣邊界
尤爲遼濶前將分設官兵抽撥隨營剿賊以後

臣

等俱經節次嚴飭該地方官激勸義勇隨地

守禦因恐不足深恃旋派叅將曹星前赴房縣

會同籌堵曹星尙未馳到接據房縣稟報有川
匪一股由川省大寧之黃草坪突至該縣九湖
坪擾及灣腰樹一帶該處山高地僻居民鮮少
沿邊義勇現在竭力堵禦等語臣倭什布病已
全愈卽擬帶兵迅赴該縣堵剿惟臣倭什布留
襄調養並未存有官兵襄陽募集鄉勇僅能在
本地防守明亮一路官兵此時剿辦清斃賊匪

正在喫緊未便分其兵力臣等再四會商查陝

省賊蹤離鄖西邊界已遠派赴該處防守之副
將滿倉帶有湖南兵六百餘名尙可暫爲抽撤
又襄鎮存營兵丁除留營防守外酌調二百五
十名共湊集步兵八百餘名此次蒙

恩派來吉林黑龍江官兵卽日可以到楚查明亮一
路本有馬隊四百名臣倭什布可於新到勁旅

四百五十名內酌帶二百名整隊前進以資截
剿一面仍咨商明亮以青狐賊匪迅卽掃除兵
力可逐漸抽去再酌派得勝之兵數百名前來
協剿總期不致顧此失彼查此股川匪聞人數
不多亦未據稟及匪目姓氏臣倭什布趕緊集
兵前往迅速剿辦

同日吳熊光奏言

臣

接據探報甘省賊匪伍金

往等股業經額勒登保督師痛加剿殺屢得勝
仗並將逆匪陳傑生擒自可不致東竄又探得
楚北賊匪青號一股前在南漳武安堰經明亮
等帶兵趕上打仗後仍向荆宜一帶奔竄現又
有川匪苟文明一股已由大寧之陰條嶺竄入
湖北房縣之九湖坪地方後無追兵而楚省官
兵現在東南追剿勢難兼顧查長齡帶領吉林

黑龍江官兵不日到來正可赴楚由房縣一帶

迎頭剿擊

臣

卽於初六日赴新野地方候長齡

到彼將楚北一切情形面向告知並將應付官

兵事宜就近董率照料俟官兵將次過竣再回

鄧州督防至南陽府屬連日陰雨江水大漲但

楚省賊匪東西分竄沿江上下在在均關緊要

臣

已飛飭完顏嵩等務宜加意嚴防不可稍存

大意並派都司楊景芬酌帶兵丁前往幫同防
守其盧浙一帶亦疊經札囑常林田永桐照舊
小心巡查斷不敢稍任疎懈至吉林黑龍江官
兵一千五百名經過豫省地方業經轉飭藩司
馬慧裕等安設臺站派委正佐各員會同該州
縣等將一切應付等項預備齊全茲頭起官兵
二百五十名已於七月二十八日入境其餘各

起亦卽陸續到來行走甚爲迅速均奏入

上命軍機大臣傳諭姜晟倭什布曰青號賊匪被剿
奔竄明亮等帶兵夾擊情形昨已據明亮奏到此
時官兵乘勝進逼較易得手惟當嚴飭地方團練
鄉勇加意防堵俾被剿之賊無從旁竄方爲妥善
至所稱竹山一路探有川東賊匪竄至姜晟等尙
未知此股賊匪名目目前據德楞泰奏稱黃號徐萬

富由川省雲陽大寧一帶竄過八石坪湖北房縣
一帶現已專派李紹祖帶兵三千名前往追剿本
日又據吳熊光奏稱苟文明一股由川省大寧之
陰條嶺竄入湖北房縣之九湖坪總之無論其爲
徐萬富苟文明亟應奮力截剿現在倭什布湊帶
兵丁八百名前往堵禦並將新到之吉林黑龍江
勁旅內酌帶二百名以資截剿所辦甚好此股竄

匪爲數本屬無多李紹祖帶兵已有三千名儘敷
剿辦之用倭什布卽當與李紹祖併力攻擊痛加
殲戮或截回川省勿令擾及楚境完善之區其吉
林黑龍江馬隊兵二百名卽可速令赴明亮軍營
協剿若倭什布未到之先李紹祖已將此股賊匪
辦竣倭什布卽可帶原有兵丁在房竹一帶駐守
以防賊匪折回爲要

上又命軍機大臣傳諭吳熊光曰昨據德楞泰奏報
竄入湖北賊匪係徐萬富今吳熊光奏稱係苟文
明自係探報未能確實但現在陝省情形較楚省
更爲緊要是以降旨令長齡卽帶吉林黑龍江三
四起兵共四百名迅赴陝省幫同綸布春由東北
向西南併力擊剿吳熊光惟當於陝楚毗連豫省
各要隘分飭常林田永桐完顏岱等督率弁兵加

意嚴防不可因賊匪未致東竄現在江水盛長稍存大意爲要

同日台布奏言竊查高馬等逆大股匪衆於西鄉之板橋灣分股沿河而下二十五日申刻至兩河口漢江南岸假扮官兵直呼該處防江鄉勇首領武生王大才之名云係派來江干防守官兵叫放渡船過去王大才猜疑未定旋見南

岸難民紛紛逃避火烟驟起知爲賊匪假冒卽
令旗手鄧正敏等用鎗礮迅擊當斃賊匪五名
賊卽沿江而下於二十六日午刻在茶鎮會合
賊衆馬隊有戴翎頂者有帶弓箭撒袋者有執
紅旗者均扮王文雄官兵衝至江岸義勇首千
總孫榮素識王文雄軍營官弁見所來俱不認
識亦知假冒無疑卽用鎗礮轟打賊卽退去西

刻復來江岸放鎗分股驅牛至瓦脊溝欲資浮渡孫榮聞信卽與首領曹龍王步蟾陳力等飛赴該處已有十餘賊浮近半江該首領等隨用鎗礮擊賊落水淹斃五六名賊亦鎗斃鄉勇十九名時鉛藥將盡正在惶急王大才鄧正敏從兩河口帶領鄉勇并所有火藥礮位前來幫同抵禦自酉至丑賊匪不得過江二十七日巳刻

仍於瓦脊海茶鎮石灰窑二處分投搶突孫榮
等因鉛藥用罄復向各民寨借用疊打又斃賊
匪七名馬五匹賊始退紮距江十餘里之老漁
壩孫榮於是夜挑選精壯六百人潛行過江由
間道小溝繞至老漁壩側近之古木嶺會同該
處居民於三更時多燃柴薪連放號礮賊衆驚
駭乘夜東走石泉之繪溪向柳溪一帶奔竄經

石泉縣知縣李樞煥探明知會總兵劉之仁馬
玉魁帶兵分赴西灘沿江排列燈籠火把照耀
如晝賊於二十八日卯刻由明埡子翻八面坡
七里溝焚燒民房又用白旗數面招搖瞭望南
岸男婦望江號泣該縣李樞煥卽令老練水手
駕船接渡過岸妥爲安撫賊匪折至石榴溝該
處武舉李湧清率衆堵回另一股又翻繪溪山

梁直下江岸遊擊龔鐸會同馬玉魁派出弁兵
奮力擊退仍由原路竄回大紅石屯住其川匪
唐龍二逆又因官兵撤退後仍分兩股紛擾紫
陽之木連河馬鬃嶺逼近烟墩垭該處本有都
司儲士雄帶兵六百名在彼防守正在攔阻副
都統額勒亨額聞信統領官兵由魯家坊過河
上金竹山署紫陽令照磨張占亦調義勇三百

二十名趕赴金竹山合力追擊斃賊十餘名餘
匪仍折回太平之田壩河而前竄西鄉板橋壩
一股奔至石泉梅湖江岸亦經額勒亨額派令
官兵邀殺折撲紫陽之紅椿壩營盤經官兵用
礮轟退亦由毛壩入川惟經畧所剿各匪內伍
金柱賊股經穆克登布痛剿三次擒殺三千餘
人餘剩二千餘人由黑馬關陽平關逃竄俱各

陸續竄來沔畧甘省大兵隨後跟追並准經畧
札囑於城固洋縣南鄭西鄉多備糧石以期隨
到支放查漢南新穀現已登場江廣協濟米石
亦源源運到興安大營軍糧斷可不悞奏入

上命軍機大臣傳諭額勒登保曰台布奏高馬等逆
於西鄉滋擾後復分股沿河而下欲圖偷渡漢江
經義勇擊退賊匪竄至石泉地方又聞伍金柱賊

股剿剩餘匪二千餘人亦由黑馬關陽平關奔竄陸續竄至畧陽沔縣一帶甘省大兵隨後趕追等語前據額勒登保奏稱連次截剿賊匪先經派兵於各隘口扼住東北面一帶傳令各路官兵晝夜嚴防不使一名逸出乃高二馬五戴家營等股先由畧陽竄至西鄉辛聰宋麻子顏勝可魏棒棒等亦接踵而至今伍金柱剿除餘匪又竄至沔畧一

帶是額勒登保所剿各股賊匪俱任竄近陝境其所奏各路嚴防之處仍屬有名無實此等竄匪全在防堵得力方可截剿額勒登保帶兵奮擊實爲盡力其賊匪等向陝奔竄又由於各路堵剿不嚴非額勒登保之咎毋庸心存畏懼而留防員弁並不隨營辦賊安坐食餉賊至仍不能堵任其來往實屬可恨必應嚴行查辦著額勒登保卽將各股

竄匪係何路何人防守處所乘間竄出詳悉查明
指名叅奏分別懲辦昨經降旨令額勒登保於陝
省扼要處所駐劄督辦此時各股賊匪俱折回陝
境急須上緊擒捕額勒登保自己親統重兵跟蹤
剿辦務當倍加奮勵若能乘賊匪窮蹙之時在漢
江以南悉數殲除固爲妥善必不得已亦應逼向
川境以便與川省官兵併力夾擊斷不可再有疎

懈復令竄至漢江北岸也

上又命軍機大臣傳諭台布曰高馬等逆於西鄉滋擾後復分股沿河而下假扮官兵欲圖偷渡漢江連經義勇奮擊始行退回實爲可恨其川匪唐龍二逆分擾紫陽雖被官兵截剿俱由毛壩入川而甘省伍金柱賊股剿剩餘匪二千餘人復由黑馬關陽平關陞積竄至畧陽沔縣一帶此雖必有之

事但係何人防堵不力卽應查叅前已諭令額勒
登保駐劄秦隴蜀適中之地兼顧東西兩面此時
各股賊匪仍竄陝境額勒登保自必親統重兵回
陝剿辦台布惟當督率兵弁嚴防漢江北岸實力
堵剿毋使賊匪乘間搶渡該省餉項不待伊等奏
請又由晉省撥給五十萬兩支應儘屬寬裕且江
廣協濟米石亦已接續運到台布務當悉心籌備

以期源源接濟至此次高馬等逆欲思偷渡義勇
首千總孫榮查出假冒情形卽用鎗礮轟打而鄉
勇首領武生王大才旗手鄧正敏幫同抵禦均爲
出力可嘉孫榮前於賊匪攻圍魏家寨時著有勞
績已降旨補授千總實缺此次又能擊退賊匪著
再加恩賞給守備銜遇缺補用並著賞戴藍翎王
大才鄧正敏俱著賞給千總並賞戴藍翎以示鼓

勵

十二日

壬戌

德楞泰勒保奏言

臣

等昨於儀隴所

屬之尖山子將首逆鮮大川剪除

臣

勒保帶兵

由營渠馳赴東鄉籌辦張子聰湯思蛟等股賊

匪並就近兼顧折回太平之龍唐二逆接據營

渠文武稟報大道兩邊山林內有潛匿賊匪或

十數人或數十人不時出沒行劫并有乘夜摸

椿之事

臣

勒保行至靜邊寺派令總兵薛大烈

永寧等帶兵於沿途林內搜捕竟有公然拒捕

者共殺賊三十二名生擒沈文亮等一百十一

名俱係精壯戰手訊係苟文明敗殘落後賊匪

等候另股入夥逃竄等語均卽正法營渠道路

寧謐仍由東鄉進發

臣

德楞泰帶兵由儀隴取

道巴州之恩陽河一路前進七月三十日兵抵

南江縣屬朱公垵探報藍號賊匪尙屯於南江
廣元蒼溪三屬交界之大龍場石馬場一帶焚
掠並詢據觀音巖硯民劉士禮等稟稱賊衆連
日擾及附近之面露溪柳樹壩等處硯寨勢甚
兇悍查朱公垵距九龍場七十餘里若賊匪知
我兵到勢必狂奔遠遁正宜趕前方可痛剿八
月初一日五鼓督兵進剿途次據探報賊匪已

由會家溝而來賊探百餘人已至甌子壩等語
是賊匪已知官兵消息當卽督催馬步兵勇疾
趨前迎詎賊遙見兵至仍卽折回淌過溪河官
兵飛奔前進賊又向會家溝而逸該處崇山疊
嶂路徑偏仄陡坎極多一人一騎魚貫而行臣
見兵力不能施展賊走亦不能迅速遂令馬隊
先行步兵後進步步逼緊迫至柳樹壩又有步

賊數十人在彼擄糧經馬隊官兵直衝射倒馬
賊十餘名賊匪遂向夾道中兩面翻越適步兵
亦已趕到夾攻而下將步賊殲戮殆盡我兵卽
乘勝抵九龍場時賊衆先已佔踞陡坎子山梁
又係魚脊一線之路左右俱密箐深溝遙望賊
衆排列於山梁上搖旗吶喊臣察看該處山勢
左右溝內俱有路徑然竟無賊匪行走實屬可

疑自應分兵三路衝擊

臣

帶同副都統溫春賽

冲阿阿穆勒塔色爾滾總管遜多保富登額協

領穆騰額明德努赫稜侍衛富僧德阿納保慶

昌法依當阿克什布營總蘇清阿西靈阿等率

領吉林索倫馬隊官兵由陡坎子閣子廟進取

山梁令總兵馬瑜叅將蒲尙佐李應貴遊擊馬

應國李東山都司劉彪等帶領步隊兵勇由左

邊山溝而進令副將託雲泰叅將達自祥遊擊

唐玉龍都司馬元等帶領步隊兵勇由右邊山

溝而進

臣

督兵先進直攻陡坎子閣子廟逆衆

始猶憑高放鎗擲石及至官兵衝冒鎗石競進

殺賊數十名登時搶上山梁逆匪抵當不住紛

紛敗向石馬場奔逃左右步兵繼進惟兩溝內

婦女幼孩號哭之聲實不忍聞馬隊官兵趕殺

至六十餘里之高臺寺時已昏黑前途之玉成
寨山塢俱係峭壁茂林賊匪滾跌人馬極多未
便窮追適馬瑜託雲泰兩路官兵亦由溝內剿
殺前來會合計此次馬隊官兵生擒馬賊彭必
清等一百四十一名沿途殲斃馬賊三百餘名
兩路步隊兵勇生擒賊匪陳正禮王杜氏等七
百四十八名口沿途殺賊一千餘名活賊內經

難民毛潤元等指出賊目大旗手馮汝中楊述
先二名探馬頭彭必清楊正興趙聰等三名其
被追滾巖跌死並過河淹斃及渙散者極多無
從數計訊據陳正禮等供稱此股首逆僞元帥
係李炳陳朝觀原係藍號冉添士王士虎分股
不過千餘人李炳是通江人陳朝觀是廣元人
俱說南江蒼溪廣元一帶地方有收路又偏僻

山林又多離江亦不甚遠因官兵難來遂破幾處小砦寨並擄掠裹脅已有四五千人不料官兵趕來李炳等已向通坪逃竄或走廣元或走南江實不知道等語訊之馮汝中楊述先彭必清楊正興趙聰五犯供亦相同隨將該逆等凌遲梟示並戰手及從賊日久之陳正禮等三百三名一併正法其由廣元蒼溪南江附近一帶

新擄難民毛潤元王杜氏等二百十九名口概
行釋回其較遠州縣難民鄧有貴祁何氏等三
百六十二名口解交巴州分遞原籍地方官有
業者給還原產無業者妥爲安插所獲馬騾牛
隻分賞出力兵勇鎗矛等項除挑用外解赴巴
州銷燬查此股逆首李炳陳朝觀訊係再添士
王士虎分出夥黨數月以來遊奕於此此次病

剿所餘不及二千人

臣

隨由三家壩前進扼住

北竄廣元之路截人通江現在廣元南江蒼溪

並嘉陵江岸業已肅清

臣

擬卽跟蹤追剿第查

廣元之七盤關毛壩爲川陝接壤之區

臣

等會

商各添官兵一百五十名聲勢更壯亦足以資

防禦又聞甘省西固一帶現在又有賊股竄擾

該處與川西之松潘龍安毗連

臣

勒保前設各

處防兵尙未撤去已飛札飭知副將張志林叅將劉國剛遊擊沈宗文等督率各卡隘漢番兵勇嚴緊防範不可稍有疎虞至提臣七十五由開縣雲陽一路追剿樊人傑劉朝選等逆聞其沿途亦有斬獲現在跟蹤緊躡總兵李紹祖前令帶兵由八石坪進剿黃號徐姓等股竄楚賊匪是否截回刻下水據稟報再前蒙

垂詢龍唐二逆何人剿辦臣德楞泰共帶官兵七千

餘員名除患病留養及病故傷亡外現在不過

六千餘名臣勒保前帶兵勇除撥赴七十五一

路外現只剩三千餘員名七十五一路除派李

紹祖帶兵三千名前往八石坪截剿徐逆外現

亦只有兵勇四千餘員名蓋因川省官兵大半

皆係分防城池並緊要卡隘故征兵祇有此數

實在不敷抽撥茲龍唐二逆業已折回大平苟

文明一股已入通江卽再添士王士虎等股現

尙遊奕該處山內

臣

勒保由東鄉進剿係在東

北

臣

德楞泰由通江進剿係在西北如各逆向

東奔逃卽可爲兩面夾擊之計再探得陝省兩

股竄匪已入西鄉

臣

德楞泰現亦就近可以顧

及至於川省賊股雖多約計大概總不過二萬

匪衆惟恨零星奔突而又見其卽逃一時不能聚而殲旃臣等時深焦急惟有趁此秋高涼爽之際同心協力趕緊剿辦再此次打仗受傷兵勇數名過河淹斃兵勇十數名容俟查明咨部辦理奏入

上命軍機大臣傳諭德楞泰勒保曰此次德楞泰在九龍場一帶分路進剿殲擒監號賊匪一千四百

餘名勒保由營渠馳赴東鄉行至靜邊寺沿途搜捕殲擒苟文明敗殘落後賊匪一百四十餘名不可謂非勝仗然剿辦總未能得手總出伊等漫無把握往往擊剿大股賊匪未能卽時剿淨又以別股緊要輒行移兵追截轉置原辦大股賊匪於不問以致輾轉奔竄復行裹脅最爲積習卽如此次賊首李炳陳朝觀祇係再添士王士虎等分出夥

黨從前本未著名何以到處擄掠卽有四五千人之多現在此股剽剩之賊雖不及二千人尙在奔逃亦難保其不復勾結其再添士王士虎等仍在通江山內游奕各股分竄之賊尙多此等賊匪豈僅往來游奕枵腹奔竄勢必沿途掠食或將民寨之小者竭力攻圍其勢難支自必棄而從賊裹脅日衆又可成一大股若不安籌辦法則官兵日久

力疲間遇傷亡日形其少而賊匪到處迫脅日見其多是官兵自勞而賊匪轉逸主客之形竟成倒置又焉能擒渠制勝五年以來實受此病三省統兵大臣皆不省改惟知儘力追逐何時始能戴事耶現據德楞泰等奏川省官兵大半皆係分防城池並緊要卡隘徵兵不敷抽撥等語其意又不免以兵少爲詞殊不思川省所調官兵原資剿賊之

用並非祇令防守卽或緊要卡隘不能不安設防
兵至於州縣城池賊多過而不攻何須多兵保護
乃紛紛派撥轉令安居城中坐食糧餉並不打仗
殺賊又何怪隨征兵丁分而見單耶自當酌度情
形將派往各處守城兵丁調回剿賊卽附近賊氛
之州縣難以全撤亦應令官兵等於城外扼要紮
營遇賊奮剿並遙爲各路聲援而賊匪聞有官兵

堵禦不敢肆行奔竄剿捕亦可得力現在德楞泰
由通江進剿係在西北勒保由東鄉進剿係在東
北而龍唐二逆已折回太平苟文明一股及再添
土王土虎等俱在通江山內竄聚正可乘勢夾剿
迅速殲除據奏官兵剿賊所過山溝內婦女幼孩
號哭不絕閱之幾不忍視不但百姓等遭此荼毒
念之惻然卽賊人家口同係生靈亦覺可憫帶兵

大員曰擊如此情形可不速圖吳安之計乎況各
股賊匪共計不過二萬人德榜奏務須就現有之
兵剿現有之賊趕緊剿辦必於秋冬之交一律辦
竣用膺懋賞再現在訊據劉之協供稱王廷詔在
四川傳教與該犯曾通信息伊徒弟李添珍徒孫
黃文照李曰清三人節次來回迭信等語王廷詔
本係著名首逆現在何處竄匿懇未奏及並著德

楞泰等查明於獲犯內留心訊問實在下落其供
出之李添珍等三犯亦著一體留心查察如能與
王廷詔一併拏獲庶可盡絕根株

臣等謹案兵家制勝之要貴能以逸待勞此
次各路官兵剿辦邪匪擒渠得勝疊經奏功
果能卽時殲淨一股免致復有裹脅自可迅
就肅清乃往往於擊捕垂盡之時或爲他股

牽制置而不顧使殘敗餘氛又致燭聚漸張
其遲延未必不由於此恭讀

聖諭以主客倒置

申誠帶兵大員勿徒以追逐爲事仰見

文睿謨指示洞悉韜鈴將帥之臣無不欽服凜遵得操
勝算至以賊人家口同係生靈

聖慈憫惻

諭令速籌奠安則尤

天地好生所爲不遺一類者也

十三日

癸亥

吳熊光奏言

臣

於初六日由鄧州前

赴新野途次接奉

諭旨以吉林黑龍江頭起兵四百五十名撥給明亮

其餘仍赴陝甘等因

臣

緣未知荷文明一股賊數

若干當卽飛札詢問姜晟茲接覆稱川匪竄入

房縣卽經倭什布前往剿辦原擬請增兵力惟據報此股新入賊匪約計不過千餘人並有被裹難民在內其勢尙不至鴟張並商之倭什布據稱房縣一帶山路崎嶇馬隊不甚得力現在另調兵八百餘名並擬酌帶黑龍江官兵二百名足資剿捕其明亮剿辦青號潰匪業已得手現有兵勇爲數不少再加此次新添吉林官兵

二百五十名亦數調撥無庸再請全數赴楚

臣

卽一面飛飭南路各州縣並原派各委員將赴
楚官兵四百五十名妥速應付俾得遄行現據
許州知州多松武等稟報頭起官兵二百五十
名已於八月初四日行抵該州石固站約初九
十日頭起卽可前抵湖北襄陽後起二百名亦
卽接踵前進不致遲滯其餘一千五十名卽隨

長齡統領由衛輝改道赴陝亦已飛飭經過
各地方官將車馬供頓等項趕緊預備應付并
飭司道派委妥員逐站照料再

臣

查前接額勒

登保來信稱長麟在肅州涼州等處調馬三千

匹於鞏昌秦州喂養官兵到彼足敷應用等語

是吉林黑龍江官兵一千五十名到陝後有馬
三千匹似已無虞缺乏且額勒登保現在陝甘

交界地方剿捕官兵行走迅速若直隸馬匹亦
趕緊解赴軍營長途未免疲乏但直隸馬匹已
陸續到來豫省馬匹亦預備齊全或軍營尙有
需用之處臣卽飭令委員將直隸協濟馬八百
匹解赴潼關地方豫省購備馬匹解赴陝州一
帶分別喂養候調一面飛咨額勒登保台布如
尙需馬匹若干卽如數就近調往奏入

王命軍機大臣傳諭吳熊光曰現在徐添德一股竄
匪已遁入當陽山內明亮若卽能悉數殲擒自當
優獎其功吳熊光惟當嚴飭完顏岱等防堵江岸
爲目前豫省要事不可稍有疎懈至直隸協濟馬
匹解赴潼關豫省籌辦馬匹解赴陝州分別喂養
預備額勒登保等就近調用自應如此辦理再劉
之協解京後令軍機大臣會同刑部連日審訊據

該犯供出河南鄧州新野地方同教之人約有三
四百家會降諭旨令吳熊光密爲留意鄧州新野
地方素習邪教匪徒在彼伏匿難保必無然端倪
未露遽爾紛紛查辦轉致百姓驚擾是以劉之協
雖供出該處有傳教之人而姓名爲誰並未加之
根究卽如寶豐邾縣地方本屬安靜本年忽有匪
徒起事自亦係地方官搜查邪教辦理不善胥役

人等藉端恐嚇索詐以致激成事端其實劉之協
數年以來總在鄧州新野地方往來潛匿地方官
並未能查察可見挾擊邪教多係拖累無辜而實
在首惡轉致任其漏網現在劉之協業經擊獲卽
再於豫省鄧州新野地方復事搜查亦斷無較劉
之協更爲緊要之犯吳熊光惟當不動聲色密爲
留心倘該處匪徒稍有蠢動無難立時查辦若其

知守法原可相安無事切不可令地方官妄拏滋擾五年以來豫省疎脫要犯之大小官員朕全不究若再以搜拏餘犯爲名又逼出事端必從重治罪决不輕恕矣

臣等謹案詰奸緝匪之事全在地方官實力奉行隨時綏靖設專委之奸胥蠹役不特擾累閭閻波及無辜而正犯轉不免於疎縱蒙

皇上洞燭情形屢經

訓示此次因劉之協供出傳教人衆不令根究姓名
諭令吳熊光密爲留心無庸卽事搜查

湯網宏開

堯仁幃冒不特安分良民咸樂

昇平之慶卽曾習染邪說者亦日遷善遠罪而不自

知此則

聖德新民所由潛移默化也